

Txirritola

ARAMAIO / Barikua / 2004ko irailaren 3a / 119. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Laster esleituko dituzte babes ofizialeko etxebizitzak eraikitzeko lanak

UBANE MADERA

Babes ofizialeko etxebizitzak eraikitzeko urbanizazio lanak ia bukatu dituzte; erreka paretaren gaineko erabakia hartzea falta zaie. Era berean, hil honen 16an bukatzen da etxeok eraikitzeo enpresa eraikitzaileen proposamenak jasotzeko epea.

Abuztuan lan eta lan ibili dira Amenabar enpresakoak babes ofizialeko etxebizitzak eraiki behar diren lekuko urbanizazio lanak egiten (argindarra, ura, saneamendua...sartzen). Are gehiago, Udaletik jakinarazi digutenez, dagoeneko ia bukatu dituzte lanok, azken xehetasunak egitea besterik ez zaie falta; eta errekan eraikitako paretarekin zer gertatuko den jakitea.

Kontua zera da: urbanizazio lanak egiteko garaian, Eusko Jaurlaritzako Etxebizitza Sailak ez ziola baimenik eskatu Jaurlaritzako Uren Sailari erreka paretara dagoen etxeok eraikiteko. Horrela, eta gertatutakoa jakin zuene-



Babes ofizialeko etxebizitzendako azpiegiturak sartzeko lanak ia bukatu egin dituzte abuztuan.

an, Jaurlaritzako Uren Sailak gerarazi egin zituen erreka paretako lanak. Orain, gai horren gaineko behin betiko erabakia hartu beharko dute Jaurlaritzako bi departamentuok. Hori egin

arte, ez dituzte urbanizazio lanak guztiz bukatuko.

LEHIAKETA IREKIA

Edozelan ere, eta nahiz eta urbanizazio lanetan geldialdia izan,

babes ofizialeko etxebizitzaren proiektuak aurrera segitzen du. Izan ere, Eusko Jaurlaritzak etxeok eraikitzeo lehiaketa irekia deitu zuen. Hain zuzen ere, hil honen 16an itxiko dute zabaldu-

tako epea. Tarte horretan, etxebizitzak eraikitzeo interesatuen enpresa eraikitzaileen proposamenak jasoko dituzte. Gero, jasotako proiektuak aztertu eta erabaki beharko dute zein enpresari esleitu lanok. Hori guztiori egin ostean hasiko dira eraikitze lanak egiten. Aramaioko Udalarren nahia da lehenbailehen hasitea etxeak egiten, baina halako kontuak normalean poliki gaitatu ohi dira.

ETXEBIDEREN BITARTEZ

Guztira babes ofizialeko 44 etxebizitza eraikiko ditu Eusko Jaurlaritzak Aramaioko Pedro Ignacio Barrutia kalean. Horietatik 40 errepedearen goiko aldean eraikiko dituzte eta gainerako laurak erreka inguruan.

Gero, eta gainerako herrietan egiten duten moduan, etxebizitzak zozketatu egingo dituzte, Jaurlaritzako Etxebide izeneko zerbitzuan izena emanda dutenen artean. Hori bai, etxebizitzetatik lau edo zailtasunak dituztenentzako izango dira eta gainerakoan artean erdiak aramaioarrendako.

Nazioarteko abesbatzak Araban barrena ibiliko dira

U.M.

Vital Kutzako Gizarte-Ekintzak antolatuta, nazioarteko zenbait abesbatza Araban izango dira datozen egunotan, kontzertuak egiten. Tartean, datorren irailaren 8an, Aramaion.

Argentinako, Bulgariako, Filipinetako, Hungariako, Moldaviako, Poloniako, Portugalgo eta Errusiako abesbatzak Araban ibiliko dira datozen egunotan. Vital Kutzako Gizarte-Ekintzak antolatuta, Abesbatzen XXIII. Astea egingo dute. Hain zuzen ere, irailaren 3an hasi eta 9ra arte kontzertuak egingo dituzte Arabako zenbait herritan.

Eta, horien artean, Aramaiora ere ekarriko dute abesbatza horietako bat: Moskuko Ars Viva taldea. Pavel Karpov da Errusiako abesbatza horren zuzendaria. Batez ere, XV. eta XX.

mendeko Errusiako musika erlijioso eta herrikoia interpretatzen du Ars Viva abesbatzak. Baita beltzen kantu espiritualak eta pop musikan oinarritutako kantuak ere.

Aramaioko kontzertua parrokian izango da, 20:30ean hasita.

GUZTIAK BATERA

Horrez gainera, abesbatzen astea amaitzeko, zapatuan (hilak 4) eta barikuan (hilak 10) abesbatza guztiak kontzertua egingo dute Gasteizen. Bihar, zapatua, San Migel parrokian izango da. Abesbatza bakoitzak kantu erlijioso bana interpretatuko du, 10:30ean hasita. Eta hurrengo barikuan, 20:00etan hasita, abesbatzen kontzertuez gain, Gasteizko Musika Bandaren saioa izango da eta horren ostean, aurtengo Urrezko Zeledoa emango dute. Printzipal antzokian izango da hori guztia.



Marixeka Eguna da domekan

Ohiturak agintzen duenari jarraituz, etzi, domeka, ospatuko dute Marixeka Eguna. Elkarteko kide Jesus Maria Balantzategik jakinarazi digutenez, eguerdian hasiko da ospakizuna, mezarekin. Horren ostean, hamarretakoa egingo dute (salda, txorizoa...) eta barruak berotu ondoren, Vermouth dantza, Gardoki Anaïen eskutik. Gero, elkarreko bazkideek bazkaria egingo dute, eta arratsaldean, ostera ere dantzaldia izango da Gardoki Anaïekin. Era berean, Gorritiren animaliak hantxe ibiliko dira umeen gozamenarako. Marixeka elkarreko bazkideek antolatu dute jaja, eta haiek gonbidapena egin gura diete herrikideei eta ingurukoei Marixeka Egunaz gozatzera joateko. /U.M.

TELEFONO JAKINGARRIAK

OSASUNA / LARRIALDIK	
Osasun etxea (txandak)	945 44 53 40
Batika	945 44 50 03
Udaletekoa	945 44 50 16
Erzaizta (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Pistetea	945 44 50 83
Zubiako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	
GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

OHARRAK

BARIKUKO ZINEMA

Barikuroko hitzorduari kale egin barik, gaur, 22:30ean, *Bajo el Sol de la Toscana* komedia izango da kultura etxean. Andrey Wells zuzendariaren filma da, AEBetako. Aktoreen artean, besteak beste, Diane Lane, Lindsay Duncan, Mario Monicelli eta Vincent Riotta daude. 103 minutu irauten du filmak.

UMEAK ESKOLARA

San Martin eskolako pertsianak oraindik ere itxita dauden arren, geroago eta gertuago dute Aramaioko gaztetxoek ikasturte berria. Hain zuzen ere, datorren eguaztanean, hilak 8, hasiko dira eskolan.

KZGUNEAK ZABALIK

Oporraldiaren ostean, lehengora itzuliko da kultura etxeko KZGunea. Hau da, liburutegiaren ordutegi berean izango da zabalik eta ikastaroak egingo dituzte, betiere, jendeak parte hartzeko izena ematen badu. Horrez gainera, KZGunearen arduraduna 15ean behin Aramaion izango da.

Laster zabalduko dute udal kiroldegia

UBANE MADERA

Data zehaztu barik izan arren, irailean zabalduko dute kiroldegia. Izan ere, oporretara joan aurretik, Udalak esleitu egin zituen falta ziren udal zerbitzuak: kontagailuen irakurketa, kiroldegiaren kudeaketa...

Oporren aurreko azkeneko udalbatzarrean esleitu zituen Udalak falta zitzaizkion udal zerbitzuak: enterramenduak, kontagailuen

irakurketa, ur eta saneamenduen mantentze-lanak eta kiroldegia kudeatzea, besteak beste. Azken horren kasuan, Murgiako enpresa bati eman diote kiroldegiaren ardura. Hala, jakinarazi digute kontratua eta halako burokrasia kontuak zehaztu ostean zabalduko dute udal kiroldegia. Oraindik ez dute zabalteko datarik zehaztu, baina lehenbailehen zabalteaz da Udalaren asmoa; jakina, irailean egingo dute hori.



Murgiako enpresa bati eman diote kiroldegiaren ardura.

BOTE PRONTOAN/ Rakel Arriolabengoa · Azkoagako eta Zabolako auzo alkatea

“Azkoaga nahiko auzo bizia da, jende gaztea dago, umeak, taberna bi... Horrek bizitasuna ematen dio”

Azkoaga eta inguruetara jo dugu oraingo astean auzo alkate bila. Rakel Arriolabengoa aurkitu dugu, auzoaren gainean berba egiteko gertu:

Azkoagan bizi zara, baina sortzez ere azkoagarra zara?

Ez, kalekoa naiz. Ibargoikoa. Orain, Azkoagako abadetxean bizi naiz.

Auzo alkate aukeratzen zaituzten lehenengo aldia da? Zela hartu duzu lan berria?

Lehenengo aldia da, bai, eta sorpresa handiarekin hartu dut; izan ere, ez nuen espero inondik inora halako kargurik.

Eta lan handia aurreikusten duzu datozen lau urteotarako?

Ez. Azken batean, auzo alkateak Udaleko mandataria besterik ez gara. Bestalde, auzoan badira gauzatxo batzuk konpontzeko (eskola...), baina ez asko. Betiere, batzarren bat egin behar izaten da auzotarren artean, eta horixe da lanik handiena.

Dena dela, aipatutako moduan, zereginen bat baduzu: eskolan, adibidez, zer egin behar duzue?

Auzoko eskola dela-eta, batzarra egin genuen Udalekoekin eta hitzarmena lortu genuen, eskola konpontzeko. Udalak dirulaguntza eskatu zuen konponketa



“Zabor inguruak zainduta egon daitezkeen eskatu dugu, askotan oso zikin egoten dira-eta”

LABUR

Santa Ana ermitako lanak bukatzeko lorategi lanak egitea besterik ez da falta

Santa Ana ermita ondoko lanak bukatzeaz daude. Errekako pareta berritzen ibili dira azken hilabeteotan. Hain zuzen ere, errekako pareta bera eginda dago. Orain, errepide ondoko pareta konpontzea eta lorategi lanak egitea besterik ez zaie falta. Udaletik jakinarazi digutenez, irailean eta urri hasieran egingo dituzte lan horiek.

Datorren astelehenean aukeratuko dituzte koadrilako dinamizatzaile soziokulturalak

Astelehenean aukeratuko dute zein arduratuko den Zuiako Koadrilako dinamizazio soziokulturalaz. Kontua da orain arte Legutianok eta Murgiako euren dinamizatzaileak zitu zela. Baina orain bi herri horiek erabaki dute koadrilak eskaintzen duen zerbitzuekin bat egitea. Horren ondorioz, koadrilak handitu egin behar du zerbitzua; izan ere, orain arte pertsona bakarra ibili da lan hori betetzen (Zuriñe Zabala). Hala, lehiaketa irekia deitu zuen horretarako. Hain zuzen ere, joan den astean bukatu zen eskaintzak jasotzeko epea eta, esandako moduan, astelehenean erabakiko dute zeini esleitu zerbitzu hori.

Etnografiaren gaineko argazki lehiaketa antolatu du Zuiako Koadrilak

Gure etnografiari begirada izenburuarekin, argazki lehiaketa antolatu du Zuiako Koadrilak. Interesa duen edozeinek parte har dezake, betiere, Aramaion, Arrazua-Ubarrundian, Legutianon, Urkabustaizen, Zigoitian edo Zuian erroldatuta badaude. Interesa duenak datorren urriaren 29a baino lehen aurkeztu beharko ditu egindako argazkiak.

horiek egiteko eta orain laguntza horien zain gaude. Espero dugu irailean erantzuna jasotzea eta hala bada, diru horrekin konponduko dugu eskola, ustez, udazkenean.

Eskolaz gain, baduzue beste beharren bat auzoan: gasa, saneamendua sartuta dituzue?

Gasa Zabolako sartuta dago, baina Azkoagan ez. Kontua da Azkoagara gasaren proposamena iritsi zela saneamendua egin eta handik urtebetera. Horren ondorioz, gasa sartzeko berriro ere zabaldu behar zuten zanga. Gauzak horrela, Udalak proposatu zuen auzotar bakoitzak dirua ordaintzea gasa etxeraino ekartzearen, baina dirutza handia zen. Hori da betiko arazoa: auzoetan, askotan, nahiz eta kontribuzioak-eta beharrezko guztiak ordaindu, kaletarren moduan, bestelakoetarako ez da berdina funtzionatzen. Izan ere,

kalean sartzen dute gasa eta guztien etxeraino doa; auzotar bakoitzak engantzea ordaintzen du eta kito. Baina auzoetan horiek lanok egitea dezente garestiagoa denez, gero diru alde hori auzotarrok ordaindu behar izaten dugu. Auzoetan asko eskatzen da auzo-lanean gauzak egitea, eta hori oso ondo dago, garai batean bazuen zentzua, baina gaur egun ez. Zentzua auzotan oraindik funtzionatzen du, baina orokorrean geroago eta auzolan gutxiago dago. Izan ere, gizartea eraldatzen doa eta orain ezin dira eskatu lehen eskatzen ziren gauza berak.

Eta errepide aldetik-eta? Untzillako bidea oso txarto egon zen eta petatxatu egin zuten. Orain, Azkoagako bidea ere petatxatu dute. Kontua da asko erabiltzen diren errepideak direla, eta ondorioz, kalte asko izaten dituztela. Bestalde, plazan bizi garenok ikusten dugun beste arazo bat da aste bukaeretan autoen joan-etorri handia izaten dela eta, gainera, abiada handiarekin ibiltzen direla ibilgailuak. Hala, eskatu ditugu abiadura moteltzeko bandak, ispiluak..., baina oraindik ez zaizkigu iritsi. Zabor inguruak zaintzea ere eskatuta dugu.

“Beste arazo bat da aste bukaeretan autoen joan-etorri handia izaten dela”